

曾「受神感召」挺唐 政協容永祺掌考評局

港聞

2018年8月25日 星期六

【明報專訊】政府嘢日宣布委任容永祺（圖）接替陳仲尼，成為考試及評核局（考評局）新任主席，任期由今年9月開始到2021年8月31日。

現任考評局主席陳仲尼由2012年起做到嘅家足足6年，佢同容永祺一樣都係全國政協委員。講起容永祺，除咗係友邦保險（國際）有限公司區域執行總監，唔知大家仲記唔記得2011年特首選戰備戰嗰時，當時唔少人公開表態撐時任行政會議召集人梁振英，或者係時任政務司長唐英年，而容永祺就行出嚟話因為「受到神嘅感召」，覺得自己應該支持唐唐。嗰時畀部分基督徒質疑佢借上帝之名。

容永祺話對於出任主席「深感榮幸」，期待未來同各個委員同秘書處團隊合作。除咗容永祺，政府同日委任一個新委員，係大華國際（集團）有限公司執行董事李曠怡，同埋再委任3個委員，分別係香港道教聯合會青松中學校長吳友強、寶血會上智英文書院校長鄭惠儀，同HLB國衛會計師事務所主席鄭中正。考評局同教育局長楊潤雄亦都歡迎一眾委員同容永祺。